

# Taitus Le Leta Pol Le Rorori Utu iviva

Taitus iye ma Jiu loloniye, ko kaero iye ralonwelonweghathi, na e mbanako iyako i thalavugha Pol na thi vakatha kaiwo lemoyo. Pol va i roriya letake iyake na i variye weya Taitus, iye amba tabwagha, na gharathalavu ina e raurau Krit e tine. Pol va i roitete gheko na i njimbukikiya ekelesiya kakaiwoniye gheko.

Vakatha Vangothiye 28 i woranjiya Pol ve ru e thiyo Rom na i roroghagha le kot kaiwae. Iyako e ghereiye thi rakayathu, na ra ghareghare tevambe i vakathava vaghiliya theghevariniye. Ghayamoyamo ngoreiye ele vaghiliyako iyako weiyee Taitus thi wa Krit na vethi vavagharewe. Raurauke iyake ina e Njighi Meditareiniyan e tine, ina Grik na eto (e yaghalaniyeko).

Mbana Pol i iteta Krit, Taitus vambe i reyaku gheko na i vakathanjiya kaiwo vavana (1:5). Va mbanja reghava amba Pol i roriya letake iyake na i variye weya Taitus. Letake iyake e tine Pol i vanuwovira Taitus renuwana thegheto kaiwanji.

I viva i vanuwoviri ngoronga ekelesiya gharandeviva ghathanavu (1:5-9). Theghewoniye i giya ghathalavu ngoronga ne inja na i vavaghare wenjiya wabwi na wabwi ekelesiyako e tine, ngoreiya giyagiya moli, elaela na mbala thi valawe wenjiya gagamaina, thegha na

rakakaiwobwaga. Na momouniye tembe i vavurigheghenjava Taitus Kristiyan yawaliye na ghathanavu, ngoreiya gharemalili, ghayamoyamo i warawarari, na thava botewoyathu na dageghatuthi thanavuniye i yomarawe; na tembe ngoreiyeva ekelesiya e tine thava wabwi na wabwi thi yomara (Vangothiye 2 na 3).

<sup>1</sup> Ghino Pol, Loi le rakakaiwo, na Jisas Krais ghalinæe gharaghambi. Lo kaiwoke iyake ya thalavunjiya Loi le tututhi gharighariniye thi mbuthu e lenji lonweghathi na thi vurigheghe. Na tembe ngoreiyeva, thi ghareghare emunjoruko mbala ghanjithanavuko iya Loi nuwaiyako.

<sup>2</sup> Iyake kaiwae lenji gharematuwo i laghiye e yawali memeghabananiye kaiwae Loi va i dagerawe amba muyai yambaneke i yomara. Na Loi ma i kwan.

<sup>3</sup> Ko iyemaenge e ghambanako moli tine Loi va i woranjiya Totoke Thovuye yawalike memeghabananiye iyake kaiwae. Va i vakatha iyake elo vavaghareke tine. Loi iye ghanda Ravamoru va i wogiya kaiwoke iyake wengo na ya vakatha wagiyaawe.

<sup>4</sup> Letake iyake ghino Pol ya rori na ya variye i ghaona e ghen Taitus. Ghen na ghino la lonweghathi regha na ghen ngorana narungu moli.

Ya nanjo weya Loi Ramanda na Krais Jisas ghanda Ravamoru mbe gharenji e ghen na lenji gharemalili i riyevanjara gharena.

*Taitus ghakaiwo Krit e tine*

<sup>5</sup> Va ya roitetenge e raurau Krit tine, na mbala u vanamwenjiya kaiwona iya ma e ghanjivakathana, na e ghembaghamba regha na regha tinenji u tuthingiya ekelesiya ghagiyagiya ngoreiya va ya utuma e ghen.

<sup>6</sup> Ekelesiya gharandeviva ghambaro ngoreiyake: ghathanavu i thovuye na thava e ghawonjowe regha, levo mbe eundaenge na le nḡanga thiye ralonwelonweghathi, thava utuninji i thari ngoreiya thi vakavakatha bwagabwaga na ma e lenji yavwatata.

<sup>7</sup> Ekelesiya gharandeviva iye i njimbukikiya Loi le kaiwo, iya kaiwae thava e ghawonjowe regha, thava weiye ghamberegha le renuwana, thava le ghatemuru i maya, thava ravotha e mun mbwa vurigheghe, thava vata le gaithi, na thava iye lolo regha valikaiwae i kwaniyarongiya gharighari na mbala i wo mani wenji.

<sup>8</sup> Ko iyemaenge iye ravavanamwe regha, le renuwana na le vakatha i thovuye wenjiya gharighari, le vakatha i rumwaru wenjiya gharighari, ghathanavu i thovuye na i rumwaru, na mbe ghamberegha i thanavu.

<sup>9</sup> Totoko emunjoru iya kaerova thi vavagharekowe wo i vikikighathi, mbala iye valikaiwae i vavurigheghenangi e vavaghare rumwarumwaruniye e tine, na valikaiwae thavala thi wovatharitharija vavaghare rumwarumwaruniye i govarumwaruya lenji renuwanaako wolaghiye.

<sup>10</sup> Ya utuna thiyako kaiwae gharighari lemoyo mbe inanjiwe, iya ma thi wovatha ekelesiya lenji randeviva ghaghamba ndeghathi,

na mbema thi utu bwagabwagaenge na thi yarongiya gharighari. Iyake emunjoru moli wenjiya wabwi wabwira, iya thinjake, “Ralonwelonweghathike wolaghiye wo thi wo kiteniyathu thanavuniye ngoreiye Jiu lenji mbaro.”

<sup>11</sup> Wo u dageteningi moli kaiwae renuwanako iya mbala thava thi vavagharenako thiye thi vavagharena, i vakatha gharighari vavana weinjiyangiya lenji nganga, thi ndeghereiyewana emunjoruko. Thi vakatha ngoreiyako kaiwae mbema nuwanjiya enge thi yarongiya gharighari na thi mbana lenji maniwe.

<sup>12</sup> Mbe thiye Krit lenji rathimbathimba regha me vivako, va ina, “Thiye Krit mbanako wolaghiye rakwaningi. Thiye ngoranjiya mbwanjam. Thiye rayaku bwagabwaga na nganganiringi.”

<sup>13</sup> Utuutuke iyake emunjoru moli. Iya kaiwae u naebaruru wanangi na mbala thi lonweghathi enge vavaghare emunjoru.

<sup>14</sup> Lenji renuwanana thava tembe i wava Jiu lenji utu bwagabwaga o gharighariko iya thi botewoyathu vavaghare emunjoruko lenji mbaro.

<sup>15</sup> Thavala thi kalekaleva Loi e marae, bigibigike wolaghiye i kalekaleva moli wenji na valikaiwae thi mban na thi vakaiwonangi. Ko iyemaenge thavala thi mbighi Loi e marae na ma e lenji lonweghathi, ma bigi regha i kalekaleva moli wenji. Emunjoru lenji renuwanana i mbighi na ma thi ghareghare rumwaru na thari ghanjitomethi.

16 Thiŋava thiye thi ghareghareya Loi, ko iyemaenŋe lenji vakathako i woranŋiya thi roghereiyewana. Thiye ngoranjiya njako vwatawata na ma thi ghambugha Loi, na ma valikaiwanji thi vakatha bigi thovuye regha.

## 2

### *Taitus mbala i vavaghareŋa vavaghare rumwarumwaruniye*

1 Ko iyemaenŋe ghen u vavaghareŋa the thanavu i reŋa ngoreiya renuwana rumwarumwaruniye.

2 U vavaghare wenŋiya amaamala na thi njimbukikiya ghanjithanavu, ghanjithanavu ngoreiye gharighari thi yavwatata wananŋi, ghanjithanavu i rumwaru, tembe ghanjimberegha thi thanavu, lenji lonweghathi i rumwaru, lenji gharethovu i riyevanjaranŋi wenŋiya ghanjiune, na thi rouda wagiya.

3 Tembe ngoreiyeva u vagharenŋiya elaelana na ghanjithanavu iya i vatomwe thi yavwatatawana Loi. Thava thi liya ghanjiune ghanjiutu, na thava mbwa vurigheghe i mbaronanŋi. Iyemaenŋe thi vavaghareŋa enge thovuye thanavuniye,

4 na mbala thi valawe wenŋiya wanakau tabwagha na thi gharethovu wenŋiya lenji ghimoghimoru na lenji nŋanga,

5 tembe ghanjimberegha thi thanavu, lenji vakatha i thovuye, thi kaiwo wagiya e lenji ngolongolo, gharenji i thovuye, na thi ghambugha lenji ghimoghimoru lenji mbaro. Mbala

thi vakatha ngoreiyako, na ma valikaiwae gharighari thi wovatharithariṅa Loi le utu.

<sup>6</sup> Tembe ngoreiyeva u giya utu vavurighheghe wenḡiya ghimoghimoru tabwagha na tembe ghanjimberegha thi njimbukikingi.

<sup>7</sup> E len vakathana wolaghiye tine mbe i thovuye vara, na ghen u tabo lenji ghamba ghaghayawo. Mbanḡa u vavaghare wenḡiya gharighari ne u ndevakatha kwan regha, na len vavagharena mbe i woranḡiya emunjoru ghanyavwatatawana.

<sup>8</sup> E len utuutu tine mbe u ndetuthi enḡe ngoronḡa ne uḡa, mbala mane lolo regha i wovatharithariṅa. Na tembe ngoreiyeva mbala ghanithighiyangina thi monjinanḡa kaiwae ma valikaiwanji thi utuvathari kaiwanda.

<sup>9</sup> U dage wenḡiya rakakaiwobwaga na thi ghambugha ghanjirambarombaro lenji renuwanḡa e bigibigike wolaghiye tine na thi vakatha budakai ne thi warariṅa. Ne thi ndegogonjogha lenji utuutu wenḡi

<sup>10</sup> o thi kaivi wenḡi. Ko iyemaenḡe, mbanake wolaghiye lenji vakathako mbala i woranḡiya thiye thi thovuye na emunjoruḡi. Lenji vakathako iyako mbala i womena tarawa weya vavaghareke iya Loi ghanda Ravamoru kaiwaeke.

<sup>11</sup> Ralonwelonweghathi mbala ghanjithanavu ngoreiyako kaiwae Loi ghare wenḡi kaero i woranḡiya na valikaiwae gharigharike wolaghiye thi vaidiya ghanjivamoru.

<sup>12</sup> Ghareko iyako weinda i vaghareinda na mbala mbanake iyake ra roiteta yawali raithari

na iya nuwandake i ghangowa bigibigike e yambaneke, na la yakuyaku mbala ghandamberegha ra njimbukikinda, la vakatha i rumwaru na budakaiya ra vakatha mbe i vawarariya Loi;

<sup>13</sup> mbanja amba ra roroghagha warariko ghambanja amba i menamenako kaiwae. Ne e mbanjako iyako la Loi laghiye na Ravamoru, Jisas Krai, ne i njoghama weiye le vwenyevwenye.

<sup>14</sup> Va i vatomweya ghamberegha kaiwanda na mbala i vamoruinda tharike wolaghiye e tinenji na i vakathainda gharighari rumwarumwaruniye na Krai mbe ghamberegha vara le gharighara ghinda na nuwandake wo ina wevara thovuye ghavakatha.

<sup>15</sup> Iya kaiwae, u vavagharena iya bigibigike wolaghiye thiyake na u ndeghathi e lenghamba ndeghathina mbanja u vavavurigheghe ralonwelonweghathina na thi vakathangi na u naebaruru wanangi. Thava lolo regha i ghimaranjonanjonange!

### 3

#### *Kristiyan yakuyakuniye*

<sup>1</sup> Wo u vanuwoviringiya ralonwelonweghathi na thi ghambugha rambarombaro na randeviva lenji mbaro, thi vandene na thi ghambugha ghalinjanji, na mbanjake wolaghiye kaero thi vivathanangi na thi vakatha kaiwo thovuye wolaghiye.

<sup>2</sup> U dage wenji na thava thi utuutuvathari lolo regha kaiwae, ko iyemaenge mbe ghare i

udauda, na gharenji wenji na ghanjithanavu i ghenenja moli wenjiya gharigharike wolaghiye.

<sup>3</sup> Va mbananiye ghinda vambe unounovara ghinda na mava ra ghambugha Loi na vavana va thi yaroina. The bigibigiya riwandake nuwaiya na i warariya, thi ngariinda na ra vatomweya yawalinda thari e ghavakatha na yamwanja thanavuniye. Ghinda ra botewoy-athungiya ghandane na thiyete tembe thi bote-woyathuindava.

<sup>4</sup> Va ngoranda iyako, ko iyemaenge mbanja Loi ghanda Ravamoru i worangiya ghare weinda na i gharethovuinda,

<sup>5</sup> i vamoruinda. Ma ghinda la vakatha thovuye kaiwae na i vamoruinda, ko iyemaenge mbe ghamberegha vara le ghareviri e tine. I thavwiy-athu la thari na i vakatha ra ghambi togha na i vatoghanangi yawalinda. Va i vakatha iyake ele wogiya Nyao Boboma na i yaku weinda.

<sup>6</sup> Weya Jisas Krais la Ravamoru Loi i lingsiya Nyao Boboma riyeriyevanjaraniye weinda.

<sup>7</sup> I wovarumwarumwaruina kaiwae mbe ghare vara weinda, mbala ra tabona le gamagai, iya kaiwae weinda la gharematuwo ne ra vaidiya yawali memeghabananiye.

<sup>8</sup> Utuutuko thiyako emunjoru moli na valikaiwae ra lonweghathi. Nuwanguke nuwaiya u vavurigheghena ghanjirerenuwana bigibigiko thiyako kaiwanji, na mbala thavala kaero thi lonweghathigha Loi, thava thi renuwana valawe, mbema thi vatomwenji enge na thi vakavakatha kaiwo thovuye. Utuutuko thiyako thi thovuye na valikaiwae i thalavungiya



gharigharike wolaghiye.

<sup>9</sup> Ko iyemaenje gharighari lenji utu bwagabwaga na lenji ghatthambothambo u botewoyathu. Thiye thi utuna riuriu molamolao kaiwanji na thi wogaithi Mosese le mbaro kaiwae. Bigibigiko thiyako ma e ghanjithovuye na ma valikaiwae i thalavungiya gharighari.

<sup>10</sup> Thela i vavamurughare u dageten. Thongo kaero u dageten mbanaiwo na ma i wovatha ghalinan, u roitete na thava len renuwana regha tembe inaweve.

<sup>11</sup> U ghareghare wagiawe gharighari ngonanjiyako emunjoru kamwathiniye kaero thi roitete na thi thari. Lenji thariko tembe i wovatharitharangi.

### *Dage mwaewo*

<sup>12</sup> Mbanja ne ya variya Atemas o Taikikas na i ghaona e ghen, u rovirigheghe na u mena wengo e ghamba idae Nikopolis e tine, kaiwae kaero mendava lo renuwana ngoreiye na ne njighinjighi ghambanja va yaku gheko.

<sup>13</sup> U rovirigheghe na u vanamwe Jinas iye mbaro gharaghareghare na Apolos lenji kamwathi. U thalavungi na thava thi kwara e bigi regha lenji longalonga kaiwae.

<sup>14</sup> U vakatha ngoreiyake na tembe u vavagharengiva la gharigharina na thi vatomwenji e vakatha thovuye ghanjivakatha na mbala valikaiwanji thi thalavungiya thavala i tubo wenji, na mbala yawalinjiko une ve yomara.

<sup>15</sup> Gharigharike thiyake weinguyangi, taulaghike thi mwaewo e ghen. Tembe

u utugiyava lama mwaewo wenḡiya  
ralonwelonweghathi thavala thi gharethovu  
weime.

Loi ghare i yaku taulaghina wenḡa.

**Toto Thovuye Loi Ghalinae**  
**Portions of the Holy Bible in the Sudest language of**  
**Papua New Guinea**  
**Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

---

PDF generated using Haiola and XeLaTeX on 18 Apr 2025 from source files dated 31 Aug 2023

7a63d67b-b890-5db0-8880-b6fd64f3b62f